

TEZAUUR LITURGIC
16 IUNIE

ACATISTUL
SF. IERARH
TIHON,
EPISCOPUL
AMATUNDEI



MOSCOVA, 2000



Акафист

СВЯТИТЕЛЮ

Тихону Амафунтскому

Кондак 1

Изрядный Чудотворче и благовестниче Христов, всем раздаваяй от юности своея хлеб Жизни вечныя, о изобилии благ от тебя христиане радуются; врази же и идоли языческие сокрушаются, не могут бо терпети тя чудотворче Тихоне, мы же велегласно славим тя: Радуйся святителю отче Тихоне, славный Амафунтский чудотворче.

Икос 1

Ангелом дивным на земле просиял еси от юности преславне Тихоне, растя умом и чтением священных книг; сам же разумев о временном, вечное восхотев, прославил еси Бога Вышняго. Мы же, храняще память о тебе, чудотворче Тихоне, вопием ти:

Радуйся, Духом Божиим просветивыйся;

Радуйся, от юности добродетельми
насадивыйся;

Радуйся, отрочества просвещение;

Радуйся, яко превозшел еси земное тление.

Радуйся, верных достойное основание;

Радуйся, светильник воздержания;

Радуйся, кормче незримаго вождения;

Радуйся, Законов Христовых в мире
утверждение.

Радуйся, яко труд подъял еси милосердием;

Радуйся, поревновал еси добродетелем;

Радуйся, покаянием люботрудным
возвеличивыйся;

Радуйся, высотой молитвы возносивыйся.

Радуйся святителю отче Тихоне, славный
Амафунтский чудотворче

Кондак 2

От юности, почтив смирением родителей
своих, ум свой устремил еси Христу Богу, и в
церкви чтением божественных обязался еси;
узрев же злато книг духовных сердечными
устаами взывал еси: Аллилуйя.

Икос 2

Разумом светлым облеклся еси, преблаженне,
от раннего родителям своим угодив, искал еси
достойная; призрев на сирых и убогих даром
накормлял еси, милосердие от Господа стяжав.
Мы же таковая удивляясь ликовствуем:

Радуйся, корене цветущий Свету
невечернему;

Радуйся, раздавая хлеба, уподобляясь
Всещедрому;

Радуйся, церковных чтец умиление;

Радуйся, пением во храме Божиим
украшение.

Радуйся, целомудрия хранителю;

Радуйся, умом своим соделавшись
небожителям;

Радуйся, сеятелю правды Евангельския;

Радуйся, непоколебимый столпе христианския.

Радуйся, острова Кипра твердое основание;

Радуйся, торжествует в тебе православие;

Радуйся, лицемерия всякого гонителю;

Радуйся, истинного учения веры спасительной хранителю.

Радуйся святителю отче Тихоне, славный Амафунтский чудотворче

Кондак 3

Из малу лет своих поревновав Христу, сокровище духовное открыл еси и раздавая хлебы бедным навлекл еси печаль родителя своего. Из уст твоих, блаженнее Тихоне, дивился слух отца: займы я Богу хлебы дал еси, тем радостно взывал еси ты Богу: Аллилуйя.

Икос 3

Великое пшеницы в житнице наполнение предстало еси родителю, глаголы твои радостно поминал еси, о чудотворче Тихоне: дающий Богу, сторицею примет! Тем отец, прославляя Бога тебе воспевал еси:

Радуйся, доброделания житницу наполняющий;

Радуйся, грехи любовью обличающий;

Радуйся, отцев печальных умирение;

Радуйся, Заповедей Христовых исполнение.

Радуйся, показавый величество Вышняго;

Радуйся, огради пределов нижняго;
Радуйся, хлебов небесных накормление;
Радуйся, к милосердию устремление.
Радуйся, житнице обильных чудес;
Радуйся, благоволение Бога с небес;
Радуйся, глаголу мудрости неложному;
Радуйся, зрети сподобивыйся славу Божию.

Радуйся святителю отче Тихоне, славный
Амафунтский чудотворче

Кондак 4

Верно, соединив земная небесным, от юных лет взирая на духовный глас и от начала жизнь свою определив, достиг еси сияния благочестивых дел и добродетельного жителства. Молитвами своими благодать стяжал еси, и чистотою сердца угодив Богу, сие зывал еси: Аллилуйя.

Икос 4

Провидев Господь ангелоподобное житие твое во граде Амафунте, сердца людей примеру благочестия твоего, блаженне Тихоне, призывал

еси. Вернии же, прославляючи непостижимаго Бога, умудрившаго тя и любяще ти зывают:

Радуйся, прорастающее древо во спасение;

Радуйся, спасительных истин учение;

Радуйся, яко птица небесная земным;

Радуйся, яко земная сочетается небесным.

Радуйся, подавая примеры Вышняго;

Радуйся, почет заботой ближняго;

Радуйся, заблудших ко Христу приведший;

Радуйся, слово спасительное каждому нашедший.

Радуйся, пороки человеческия обличающий;

Радуйся, грехи лютаго искореняющий;

Радуйся, заре христианства, путь к истине показующий;

Радуйся, язвы духовные врачующий.

Радуйся святителю отче Тихоне, славный Амафунтский чудотворче

Кондак 5

Разум учением Христовым умудривый,
Тихоне, благоволил еси тебе Господь во

Амафунте, и от святого Мемнона во диакона поставил еси. Ты же, поревновав служению у престола и добрых дел не оставлял еси на людях своих, Богу паки взывая: Аллилуйя.

Икос 5

Равноангельна зрим тебе, чудотворцем и помощником в прошениях наших, Тихоне. Ко всеобщему желанию христиан, святым Епифанием, по блаженнейшей кончине святого Мемнона, рукоположен еси во граде Амафунте. Служением и духовным совершенством украсил еси церковь свою, мы же ликовствуя взываем:

Радуйся, Пресвятая Троицы благовестнице;

Радуйся, Воскресения Христа проповеднице;

Радуйся, Христовым Тайнам служителю;

Радуйся, ересей и суеверий искоренителю.

Радуйся, Истину устами своими прославляющий;

Радуйся, ум свой верою просвещающий;

Радуйся, яко приял еси уста духовныя;

Радуйся, крепкое основание церковное.

Радуйся, Духа Святого непорочное жилище;

Радуйся, под покровом Божией Матери богоугодно поживший;

Радуйся, отроков назидание и доброе веселие;

Радуйся, старых и немощных утешение.

Радуйся святителю отче Тихоне, славный Амафунтский чудотворче

Кондак 6

Истинномудрие стяжал еси, евангельских словес наполняя житницу, еже не скривати себе сокровища на земли, окормляя еси веси града Амафунта. Идольския лести языческих мудрований обличал еси, и демонов всегубительное смерти жало сокрушал еси. Мы же, дивящиеся току благ от тебе исходящих, верно возносим: Аллилуйя.

Икос 6

Почитая совершенным Бога, блаженне Тихоне, учению Христову лжеумныя к христианской вере приводил еси. Твоя ступления в пределы капищ врази терпети не возмогоша, оземь идоли падоша, ничимже отнюду же верным не вредохом. Благодарным и победоносным же гласом таковая тебе возопием:

Радуйся, духовное водительство Духом Святым;

Радуйся, надеждо, вспоможение и врачевание больным;

Радуйся, неприступная стено любви вся побеждай злая;

Радуйся, неотвратимая погибель супостата.

Радуйся, одержимых духом нечистым спасение;

Радуйся, идолов мерзких поражение;

Радуйся, святителю душ помраченных;

Радуйся, ходатаю благ от Бога неизреченных.

Радуйся, Амафунтские веси сбережение;

Радуйся, вся немощствующая от бесов охранение;

Радуйся, крепосте целомудрия и благонравия;

Радуйся, похвало душ ищущих здравия.

Радуйся святителю отче Тихоне, славный Амафунтский чудотворче

Кондак 7

Хотя языческое поклонение отгнати, истинному Богу приводяй хваление, блаженне

Тихоне: люди Кипрские упасл еси бесовския лжи напоения. Нас же верныя, избави от сетей дьяволя: идольския лести отжени, ереси искорени, вражия наветы разори, да благодарственно возопиим Богу: Аллилуйа.

Икос 7

Новую показа мудрость, просиявшую из юных лет; непреложными стремленьми, яко древо свету, Богу угодил еси. Богоблагодатная восприняв, духовная взыскуя, Тихоне, не могуще на тя зрети, идоли падоша. Мы же, внимая дивная, вопием:

Радуйся, правды Божия крепкое ограждение;

Радуйся, верных щит от лукаваго ловления;

Радуйся, гибнущих хотяй спастися;

Радуйся, светом праведным лице твое просветися.

Радуйся, обращение заблуждений языческа;

Радуйся, учением Христовым побеждаяй еретическа;

Радуйся, суеверий сумнительное слышание;

Радуйся, словами чистыми облечися низшая.

Радуйся, огонь страстей потребляющий;

Радуйся, прелестника хитрословесного
обличающий;

Радуйся, двери приводящая во спасение;

Радуйся, дожде молитвенному орошение.

Радуйся святителю отче Тихоне, славный
Амафунтский чудотворче

Кондак 8

Странное жительство твое видеша языки
новы, во слух евангельское внимали еси,
греховное стрясе и отпаде от силы вражия,
благодатная восприняли еси. Растя сокровища
Христова стада, от козлищ отвращая, и ныне не
оставляеши своих, да исторгнув велиара
древняго, свободно воспоем: Аллилуйя.

Икос 8

Древом питательным, лозой истины израстил
еси плоды духовныя, виноградарем странным
показался еси; маловерныя собрал еси и напоил
еси Словом жизни. Яко ветви иссохшие воднаго
напоения одождив, ожили еси, сего ради и наша
моления оживи, сице и мы велегласно возопием:

Радуйся, лозо неуведаемаго древа;

Радуйся, лучу немеркнувшего света;

Радуйся, надеждо до крайнего отпавших не оставляющая;

Радуйся, веро шествующих в Горня не теряющая.

Радуйся, пастырю словесных овец;

Радуйся, проповедниче душеспасительных словес;

Радуйся, проращение благоговения сердечнаго;

Радуйся, приятелище вечнаго.

Радуйся, насадителю прозябения жизни;

Радуйся, одождителю процветения милости;

Радуйся, плодов спасительных удобрение;

Радуйся, образ воздержание и верным окормление.

Радуйся святителю отче Тихоне, славный Амафунтский чудотворче

Кондак 9

Всякому роду на удивление: отрожденным лозам винограда явил еси жизненное, чудотворче Тихоне, вдохнув иссохшим и

процвете. Тем убо дыхание Зиждителя кольми паче и отторжение Его, мы же, богоподобие прият, со страхом Божиим поем, яко Бог слышит: Аллилуйя.

Икос 9

Ветия многовещанные и суемудрые, не могут провещавати многое чудес источения, яко не таковыми устами изливаются, но яко имеяй Тихоне, образ Христа Бога нашего, наполняющего вся; вся же благодарственно вопиют:

Радуйся, скорое у престола Божия ходатайство;

Радуйся, перед Святою Троицею предстательство;

Радуйся, взыскателю порочного жительство;

Радуйся, корыстолюбия строгий укорителю.

Радуйся, святой Трапезы молитвенный предстоятелю;

Радуйся, ищущих Живаго Хлеба питателю;

Радуйся, утаенных грехов изобличение;

Радуйся, сирых и убогих не оставляя окормление.

Радуйся, мудрый и верный жизни строителю;
Радуйся, Богом поставленный святителю;
Радуйся, даятелю во время житомерие;

Радуйся, блаженне, Божие исполнив
наставление.

Радуйся святителю отче Тихоне, славный
Амафунтский чудотворче

Кондак 10

Спасти хотяй верныя живуция окрест, от
правд человеческих ко Истине Божественней
улучаяй, к Единому приводяй Владыке и Богу
нашему, яко многие плоды винограда твоего
ожившие, Тихоне, во единый сосуд вливаются и
добрым вино бывает. Священницы на сем
служаше и людие в веселии превозносят ти:
Аллилуйя.

Икос 10

Стена еси добродетелей чадом, преблаженне
Тихоне, и всем к тебе прибегающим: ибо мудрый
распорядитель Божьего показался еси. Сего
ради, чудодейственному о нас Богу ходатайству
верно вопием:

Радуйся, палато Богу благодарений;

Радуйся, покрове храмовых строений;

Радуйся, немыслимых чудотворений
осмысление;

Радуйся, расслабленным и прокаженным
исцеление.

Радуйся, реко чудес неисчерпаемых;

Радуйся, успокоение обуреваемых;

Радуйся, подвижнице Богу ревностное
рвение;

Радуйся, любви неумолкаемое пение.

Радуйся, гордым камениям древо смирения;

Радуйся, гневному льду огонь всепрощения;

Радуйся, огню корысти реки милости;

Радуйся, спутнице добродетельной близости.

Радуйся святителю отче Тихоне, славный
Амафунтский чудотворче

Кондак 11

Пение умиленное, приносимое ныне, из уст
хвалебная источает тебе, Тихоне: паче многих
угодил еси Живоначальной Троице и к Ней
верою уяснил еси равночисленная бо песка

людие; ныне же нас, наставляя Богу пети в Троице Единей: Аллилуйя.

Икос 11

Светозарную лампаду возжег еси Бог на острове Кипре, тебе, святителю Тихоне, своего светильника не убрав под спуд, но яко Свет Христов просвещает всех, вознес еси, озаряясь же блистаньми зовем ти таковая:

Радуйся, освещение во тьме блуждающих;

Радуйся, просвещение грехи искореняющих;

Радуйся, сетей бесовских свободителю;

Радуйся, плена велиарова разрушителю.

Радуйся, чистоты и целомудрия селение;

Радуйся, истины Божией победоносное веселие;

Радуйся, падших во грехи умытно восставляющих;

Радуйся, любовью ко Христу всех направляющий.

Радуйся, православного Символа веры поющий;

Радуйся, во Христа образа живущий;

Радуйся, суеверных толкований отсечение;

Радуйся, ищущих Бога нахождение

Радуйся святителю отче Тихоне, славный
Амафунтский чудотворче

Кондак 12

Благодать дати хотяй всем, и емлющий ея
перед престолом Божиим дерзновенно, Тихоне:
молящимся и помазующимся во имя твое,
подавый просяй. Света бо, яко служителя, нас
утверждаеши вопиющия: Аллилуйя.

Икос 12

Поюще твое к Богу успение, яко предузнал
еси отшествие свое, святителю Тихоне, почитаем
блаженную память твою. И ныне являеши
помощь свою людям отчаянным: течением вод
открываеши источники, исцеляху бо ся всякая
плоть, тебе слушает Господь, тебе трепещут
демони; мы же, торжествующе ти с любовью
поем:

Радуйся, мертвья и сухия воскрешающий;

Радуйся, источники водами жизни
наполняющий;

Радуйся, отчаянных спасение;

Радуйся, на гноищах и струпях исцеление.
Радуйся, блистание Троицаго Света;
Радуйся, надеждо благочестиваго совета;
Радуйся, конца жизни хотящих претыкание;
Радуйся, умыслов злых изгнание.
Радуйся, веро на тя уповающих;
Радуйся, надеждо тя призывающих;
Радуйся, любовь на всех являющий;
Радуйся, во образ твоея иконы тя
лобызающих.

Радуйся святителю отче Тихоне, славный
Амафунтский чудотворче

Кондак 13

О, святителю Христов, блаженне отче наш
Тихоне! Приими хвалебныя пения наши с
любовью тебе возносимыя, призри с высоты
небесныя на ны, долу поверженныя немощныя
прошения наши и умоли Господа Бога нашего,
дабы оскудевающая восполняя и мы имели веру
тверду, избавитися нам горькаго запаления
работы вражия, и сподобитися с тобою, и со
всеми святыми пети Ему: Аллилуйя.

(Этот кондак читается трижды, затем икос 1-й и кондак 1-й)

Молитва

О святителю Христов, блаженне отче наш Тихоне, скоропредстательный помощниче и верных заступниче, немощным предстателю, больных целебниче и спасительный молитвенниче!

Потщися на моление наше немощное, умоли Христа Господа Бога нашего обратить всякий гнев на ны, и на страну нашу, по наущению дьявольскому, движимый; своими молитвами ко Благому направи, враждующия умири, огради христиан от мирскаго мятежа, нашествия иноплеменников и междоусобныя брани, от глада, труса, потопа, огня, меча и внезапныя смерти.

Избави нас гибнути болота недремлящего и губительнаго змия, тиной греховней опутанных; избави нас страстьми увязнущих в трясине дьявольскаго обольщения и мерзостной нечисти греха, во тьму бесовскую сползающих. Горьких дел яви надежду исправления, елеем веры воспылай души наша, огнем благодати угасающих, своей любовью любовь нашу

направи неколебимо к Триединому Богу, Живоначальной Троице пева́емей: Отцу и Сыну и Святому Духу, ныне и присно и во веки веков. Аминь.

